

կարևոր կենտրոններից մեկը: Տ. Ի. Գուլուկինայի հաղորդումը վերաբերում էր Աղվանքում անտիկ շրջանի դամբարաններից հայտնաբերված նյութերին, որոնք թույլ են տալիս հետևելու անտիկ ավանդույթների ներթափանցմանը տեղի բնակիչների կյանքի բոլոր բնագավառներում: Գ. Ա. Տիրացյանի զեկուցումը նվիրված էր Արմավիր քաղաքին և նրա մշակույթին: Պեղումներից հայտնաբերված նյութերի հիման վրա նա ցույց տվեց, որ Արմավիրը եղել է տեղական մշակութային կարևորագույն օջախներից մեկը և միաժամանակ սերտ առնչություններ է ունեցել հելլենիստական աշխարհի հետ:

Գիտաժողովի եզրափակիչ պլենար նիստում լսվեցին՝ ակադ. Վ. Գեորգիևի (Բուլղարիա), Մ. Դ. Պետրուշևսկու (Հարավսլավիա), Ի. Տ.

Կրուպիկովայի և Գ. Բ. Շելովի զեկուցումները: Գիտաժողովի մասնակիցները այցելեցին Հայաստանի մի շարք հնավայրերը (Գառնի, Գեղարդ, Էրեբունի, Զվարթնոց, Էջմիածին) և ծանոթացան կատարված պեղումների արդյունքներին:

Կարգացված բոլոր զեկուցումների հիմնական դրույթները առանձին հատորով հրատարակվեցին գիտաժողովի նախօրյակին:

Սոցիալիստական երկրների անտիկ շրջանի մասնագետների «Էյրենե» կազմակերպության XIV գիտաժողովն, անկասկած, նոր խթան կհանդիսանա անտիկ հասարակության պատմության ուսումնասիրելու գործում:

Ս. ԿՐԿՅԱՇԱՐՅԱՆ

ՄԻՋԻՆ ԲՐՈՆՋԵԴԱՐՅԱՆ ՆՈՐ ՀՈՒՇԱՐՁԱՆՆԵՐ

Ախուրյանի շրջանի Քեթի գյուղի շրջակայքում 1969—1975 թթ. ծավալված հնագիտական հետախուզական աշխատանքների շնորհիվ հայտնաբերվել են Հայաստանի նախնադարյան մշակույթի տարբեր փուլերին պատկանող հուշարձաններ, որոնք թվագրվում են մ. թ. ա. III—I հազարամյակներով:

Ստորև ներկայացնում ենք Քեթի գյուղից մոտ երկու կիլոմետր հյուսիս-արևմուտք, Քթաբոտ հողեր» հանդամասում 1973—1974 թթ. պեղված միջին բրոնզեդարյան դամբարանները, որոնք մեծ հետաքրքրություն են ներկայացնում հիշյալ մշակույթի հուշարձանների սակավաթվության պատճառով, մասնավորապես Շիրակի դաշտավայրում:

Դամբարան № 1. — Գտնվում էր մշակված հողատարածության մեջ: Հայտնաբերման ժամանակ իրենից ներկայացնում էր եզրերը բնական որձաքարերով շարված, անկանոն շրջանաձև հատակագծով, մոտավորապես 7 մ տրամագծով ոչ բարձր դամբարանաթումբ, որի արևմտյան և արևելյան հատվածները հողային աշխատանքների ժամանակ ավերվել էին: Դամբարանափոսը ծածկող խոշոր սալաքարերը և հողի լիցքը հեռացնելուց հետո բացվեց 4 մ երկարությամբ, 2 մ լայնությամբ և 2,5 մ խորությամբ հսկայածավալ, քառանկյունի մի տարածություն, որն իր առանցքով ունի արևելք-արևմուտք դիրքորոշում: Դամբարանի հատակին բացվեցին մարդու և կենդանու շատ վատ պահպանված կմախքների մնացորդներ: Ննջեցյալը թաղված էր աջ կողքի վրա, ոտքե-

րը և ձեռքերը կծկված, գլխով հարավ, դեմքով դեպի հյուսիս: Նրա կողքին և ոտքերի մոտ հայտնաբերվեցին մանր եղջերավոր կենդանու շատ վատ պահպանված ոսկորներ: Կմախքի ոսկորների և կենդանու գլխի վրա հայտնաբերվեցին քարից, բրոնզից և սպիտակ շաղախից պատրաստված տարատեսակ զարդարների առարկաներ՝ տափօղեր, ուլունքներ, շքասեղներ և այլն: Վերահիշյալներից բացի դամբարանի հյուսիսային պատի մոտ հայտնաբերվեցին տարբեր ձևի՝ գունազարդ, կետազարդ և փայլեցման եղանակով զարդարված, բաց վարդագույն և սև 17 կավամաններ:

Դամբարան № 2. — Գտնվում էր առաջինից 200 մ հարավ: Նրա հայտնաբերման ժամանակ գետնի մակերեսին երևում էին ծածկի երկու սալաքարերը: Հիմնահողային այս դամբարանը ուներ 1,8 մ երկարություն, 0,7 մ լայնություն և 0,7 մ խորություն: Հյուսիս-արևմուտք, հարավ-արևելք դիրքորոշում ունեցող դամբարանափոսում դիակի մնացորդներ չհայտնաբերվեցին: Հյուսիսային պատի մոտ դրված էր ձեռքով պատրաստված, անհարթ մակերեսով, դեպի շուրթը լայնացող կողբով, հարթ հատակով մի կավանոթ:

Դամբարան № 3. — Տեղադրված էր № 2-ից 7 մ հարավ: Սա ծածկված էր երեք սալաքարերով, որոնց հեռացնելուց և դամբարանափոսը մաքրելուց հետո բացվեց 2 մ երկարությամբ, 1,4 մ լայնությամբ և 0,8 մ խորությամբ, մայր հողի մեջ փորված, քառանկյունաձև դամբարանափոս, որն ուներ արևելք-

արևմուտք կողմնորոշում: Ննջեցյալը թաղված էր ձախ կողքի վրա, վերջավորությունները կծկված, գլուխը դեպի արևմուտք: Նրա գանգի շրջակայքում դրված էին երկու թասեր և միականթ. երկթեր իրանով գավաթ:

Դամբարան N: 4. — Հայտնաբերման ժամանակ կիսավեր էր: Այն տեղադրված էր առաջինից 50 մ հարավ-արևելք: Պահպանված հատվածի ուսումնասիրությունից պարզվեց, որ սա ևս ծածկված է եղել սալաքարերով, ունեցել է 1,4 մ երկարություն, 0,6 մ խորություն, հյուսիս-հարավ դիրքորոշում: Ի տարբերություն մնացածների, դամբարանը քարարկղային էր:

Հանգուցյալը թաղված էր ձախ կողքի չիս, ձեռքերը և ոտքերը կծկված, գլուխը դեպի հյուսիս: Դամբարանափոսի հյուսիսային մասում դրված էին երկու կավամաններ. իսկ ողնաշարի մոտ՝ հրաբխային խարամից պատրաստված սկավառակաձև իր:

Դամբարան N: 5. — Ի տարբերություն հաստորդների այս դամբարանը գետնի մակերեսին չունի ոչ մի արտաքին նշան: Այն հայտնաբերվեց վարելու ժամանակ, ծածկված էր խոշոր սալաքարով, որի կողքերին դրված էին ավելի մանրերը: Դամբարանափոսն ուներ շերտաձև հատակագիծ՝ տրամագիծը՝ 1,8 մ, խորությունը՝ 1,4 մ: Այստեղ դիակի մնացորդներ չկային: Դամբարանում գտնվեց 12 կավաման, որոնցից վեցը հասարակ, բաց վարդագույն, միաշափ կաճեցներ էին, իսկ մյուս վեցը՝ միանման լիսեր: Ամենայն հավանականությամբ, այստեղ մենք գործ ունենք դժակրկման սովորույթի հետ:

Դամբարան N: 6. — Տեղադրված էր առաջինից 300 մ հարավ-արևելք: Հետաքրքիր է նկատել, որ այս դամբարանը ծածկող երեք սալաքարերի արանքները խցանված էին ավելի մանր քարաբեկորներով, որոնց նպատակը դամբարանի ներսը մաքուր պահելն էր:

Առավել հետաքրքիր է այն հանգամանքը, որ ձվածիր հատակագծով, 1,5 մ երկարությամբ, 0,9 մ լայնությամբ, 1,7 մ խորությամբ այս դամբարանի հատակի մակարդակին, երեք պատերի մեջ (հյուսիսային, արևելյան և արևմտյան) փորված էր 1,3 մ խորությամբ, հատակից սկսած 0,6—0,7 մ բարձրությամբ մի խոռոչ, որի մեջ դրված էին բազմաթիվ կավանոթներ: Դամբարանի հատակին, որտեղ բացակայում էին ննջեցյալի մնացորդները, հայտնաբերվեցին տարրեր և ևերի կավանոթներ, որոնց մեջ և շրջակայքում գտնվեցին բրոնզե շքանշաններ, ականջօղ, վանակատի ցլիփ և բազմաթիվ ուլունքներ: Դամբարանի արևմտյան պատի մոտ տեղադրված էին խոշոր և մանր եղջերավոր կենդանիների կմախքի մասեր:

Պակաս կարևոր հետաքրքրություն չի ներկայացնում նաև հատակին դրված կավամանների մեջ և նրանց շրջակայքում գտնված փայտածխի և մոխրի առկայությունը, որը ակնհայտ կերպով ցույց է տալիս դիակրկման փաստը:

Դամբարան N: 7. — Գտնվում էր նախորդից հինգ մետր հարավ, վրայի սալաքարերը հեռացնելուց հետո բացվեց հատակի մասում լայնացող, ձվածիր հատակագծով դամբարանափոսը (խորությունը՝ 1,6 մ, տրամագիծը գետնի մակերեսի վրա՝ 1,3 մ, հատակին՝ 1,9 մ):

Այստեղ էլ նախորդի նման շհայտնաբերվեցին մարդկային կմախքի մնացորդները, բայց առկա էին մոխրի և փայտածխի հետքեր: Դամբարանի կենտրոնում գտնվեց մանր եղջերավոր անասունի ամբողջական կմախք, որի վրա դրված էին վանակատե երեք խոշոր տձև ցլիփներ, իսկ կողքին՝ հրաբխային խարամից պատրաստված սկավառակաձև իր: Այստեղ հայտնաբերված նյութական մշակույթի կոմպլեքսը համարվում է հատակի խորշում դրված կճուճներով, թասերով, գավաթներով, աղամաններով, հրաբխային խարամից պատրաստված սկավառակաձև իրերով, վանակատե գեղեցիկ հարդարված նետասլաքներով և բրոնզե փոքրիկ ուլունքով: Ինչպես տեսնում ենք, վերը ներկայացված, Քեթի շրջակայքում պեղված միջին բրոնզեդարյան դամբարանները պատկանում են կառուցվածքային երեք տիպերի՝ ա) Քարարկղային.

բ) Հիմնահողային, բառանկյունաձև հատակագծով,

գ) Հիմնահողային, շրջանաձև կամ ձվածիր հատակագծով և ներքին խոռոչով (աղ. 1):

Այս առաջին երկուսը (հատկապես քարարկղայինները) խիստ բնորոշ են մ. թ. ա. III հազարամյակին, ապա ձվածիր և շրջանաձև հատակագծով դամբարանների հազվագեղ պեղման հանդիպում: Դրանց հիմնահողային տեսակները հայտնի են էլարից և Սևանից¹, իսկ քարաշենը՝ էջմիածնի շրջանի Այգեշատ գյուղի դամբարանադաշտից: Այգեշատի հիշյալ հուշարձանները թվագրվում են մ. թ. ա. II հազարամյակի առաջին կեսով և պատկանում են նույն հազարամյակի վաղ փուլին պատկանող դունազարդ, կե-

¹ Պեղումները՝ է. Վ. Խանզադյանի, Նյութիկը հրատարակված չեն: Ը. Ը. Մնացականյան, Լճաշենի նյութական մշակույթի զարգացման հիմնական էտապները, «Պատմաբանասիրական հանդես», 1965, N: 2, էջ 99:

տաղարդ և գծաղարդ խեցանոթներին²։ Չնայած մուտքերի որոշակի տարբերություններին, վերը նշված դամբարանները իրենց ներքին հորինվածքով բավական նման են Արթիկի³ և Ոսկեհասքի⁴ տուֆի մեջ փորված (կատակոմբատիպի) դամբարաններին։

Ուշագրավ է նաև այն, որ Քեթիում պեղված դամբարանները հատակի մասում ունեն խորշեր, որոնք կոչված են եղել խեցեղենի տեղադրման համար։ Նման երևույթը առկա է նաև Այգեջատի № 3 քարաշեն դամբարանում, որի հյուսիս-արևելյան պատի տակ փորված է ոչ շատ բարձր խորշ։ Նրա մեջ հայտնաբերվել են երկու խեցանոթ։


Ինչպես տեսնում ենք, Քեթիի հիմնահողային ձվածիր և շրջանաձև հատակագծով դամբարանների հորինվածքային առանձնահատկությունները կրկնվում են նշված դարաշրջանով թվագրվող այլ վայրերի նյութի մեջ, սա ցույց է տալիս թաղման կամերայի պատրաստման մտահղացման ընդհանրությունը Հայաստանում։

Այսպիսով, Քեթիի միջին բրոնզեդարյան դամբարանները, որոնք առայժմ սակավաթիվ են, այնուամենայնիվ դրսևորում են Շիրակի դաշտում մ. թ. ա. II հազարամյակի առաջին կեսին գոյություն ունեցող թաղման ձևերի ու դամբարանների հորինվածքների որոշակի տարբերություններ, որոնք արտահայտվում են դիաթաղման և դիակիղման սովորույթների առկայությամբ։

Վերը նշված դամբարաններից հայտնաբերված հարուստ և արժեքավոր նյութերը խմբավորվում են հետևյալ տեսակների մեջ՝ վանակատի ցլեփներ, նետասլաք, հրաբխային խարամից պատրաստված սկավառակաձև իրեր, զարդարանքի առարկաներ և կավանոթներ։ Վանակատե տձև ցլեփները միջուկից պոկելուց հետո լրացուցիչ հարդարման շեն ենթարկվել։ Սրանք հիմնականում հայտնաբերվել են դամբարանում հանգուցյալի հետ թաղված կենդանիների ոսկորների վրայից, որոնց ծիսական, սիմվոլիկ իմաստը կասկած չի հարուցում։ Այս երևույթը բնորոշ է Հայաստանի և Անդրկովկասի համաժամանակյա մի շարք հուշարձաններին։

Նետասլաքը պատրաստված է վանակատի շերտի երկկողմանի, հարթ ռետուշման եղա-

նակով, որը հիմքում ունի հանվածք՝ փայտին ամրացնելու համար (աղ. II, նկ. 15)։ Փորիկ շափերի, զեղեցիկ հարդարված նետասլաքների այս տիպը լայն տարածում ունի Հայաստանի և Անդրկովկասի միջին բրոնզե-



Աղ. I

² Պեղումները՝ Ռ. Մ. Թորոսյանի, նյութերը հրատարակված չեն։

³ Т. С. Хачатрян, Материяльная культура древнего Артика, Ереван, 1963, էջ 22։


⁴ Պեղումները՝ Ս. Հարությունյանի, Լ. Պետրոսյանի, Լ. Ծնգոյանի, նյութերը հրատարակված չեն։

դարյան հուշարձաններում (Հառիճ, էջմիածին, Լճաշեն, Կարմիր վանք, Թրիակթի)⁵։

⁵ Т. С. Хачатрян, Древняя культура Ширака, Ереван, 1975, նկ. 69—70; А. А. Мартиросян, Армения в эпоху бронзы и раннего железа, Ереван, 1964, նկ. 20а, 5—7, 33—34։ Զ. Զ. Մ և Ս ջ յ ա-

նետասլաքների այս տիպը շատ շնչին փոփոխություններով հարատևում է մինչև մ. թ. ա. I հազարամյակի կեսերը:

Հիշատակության արժանի են նաև հրաբխային խարամից պատրաստված, սկավառակաձև, վերևի մասում թևավորություն ունեցող իրերը (աղ. III, նկ. 15), որոնք հայտնի են նաև էջմիածնի, էլարի, Կիրովականի, Թրիալեթի⁵ և այլ դամբարաններից:




Աղ. II

Վերը նշված առաջին երեք հնավայրերից հայտնաբերվածները հիմնականում դրված են եղել ամանների բերաններին և հեղինակների կարծիքով կատարել են կափարիչի դեր: Քեթիի օրինակները դրված էին առանձին. նրանցից մեկի վրա կային երկու փոքրիկ աղաման: Բացի այդ, վերին կողմում արված փոսիկը հիմք է տալիս ենթադրելու, որ բացի կափարիչի դեր կատարելուց նրանք ծառայել են նաև այլ նպատակների:

Կանյան, նշվ. աշխ., էջ 103; Б. А. Куфтин, Археологические раскопки в Тriaлетии, I, Тбилиси, 1941, էջ 449, աղ. С VI.

6 Պեղումները՝ Բ. Մ. Թորոսյանի, նյութերը հրատարակված չեն: Պեղումները՝ է. Վ. Խանգաղյանի, նյութերը հրատարակված չեն: Э. М. Гогодзе, Периодизация и генезис курганной культуры Тriaлетии, Тбилиси, 1972, աղ. 15, նկ. 24, աղ. 19, նկ. 10, 26:

Ջադարսեմի առարկաներ. — Դրանք բրոնզից պատրաստված ձեւավոր, սկաձև գլխիկով, միջանցիկ անցքով, կլոր իրանով շրասեղներ են, փոքրիկ տափօղեր, ականջօղեր, շաղխից ու սարգիոնից պատրաստված տարրեր տեսակի ուլունքներ (աղ. II, նկ. 13—14, աղ. III, նկ. 16—17): Սրանց համեմատական ուսումնասիրությունը մեզ տանում է հուշարձանների այն տարածքը, որը նշվեց վերևում:



Աղ. III

Ուսումնասիրվող դամբարաններում ձեռք բերված նյութական մշակույթի նմուշների մեջ առավել բազմաքանակ են խեցեղեն առարկաները, որոնք խմբավորվում են հետևյալ տիպերի մեջ՝ կճուճներ, քրեղաններ, թասեր և գավաթներ:

Կճուճները հիմնականում ներկայանում են չորս տեսակներով՝ գունազարդ, կետազարդ, փայլեցման եղանակով դարդարված և հասարակ: Գունազարդ կճուճներն ունեն գնդաձև և փքուն իրաններ, ցածր վիզ ու թևավոր գուրս ճկված շուրթեր: Կարմիր հիմնադույնի վրա, սև ներկով նրանց ուսերին արված են եռանկյունաձև, բառանկյունաձև, ցանցաձև լցված պատկերներ և կից հոսանկյունիներ (աղ. II, նկ. 1—3): Նման խեցանոթներ հայտնաբերվել են Բազարենդի, Հաոփճի, Աղարանի ու այլ վայրերի

7 А. А. Мартirosян, նշվ. աշխ., նկ. 15—17, 19; Т. С. Хачатрян, նշվ. աշխ., նկ. 52, 60—61, է. Վ. Խանգաղյանի

հուշարձաններից և թվագրվում են II հազ. առաջին քառորդով:

Առանձնակի հետաքրքրություն են ներկայացնում խամրած սև փայլով, ցածր վզով, դուրս ճկված շուրթով, սանրատամ, կետազարդ և փայլեցման եղանակով զարդարված կճուճները (աղ. II, նկ. 4—11), որոնք իրենց զուգահեռներն ունեն Հադիճում, Ծիծեռնակաբերդում, Երևանի Ս. Մ. Կիրովի անվան քիմկոմբինատի տերիտորիայում բացված դամբարանում, Ուզերլիկ-Թեփեում⁹ և թվագրվում են վերը նշված ժամանակաշրջանով:

Այս կոմպլեքսում կա նաև ձեռքով պատրաստված, բաց դարչնագույն, տափակ նստուկով, լայն բերանով, թեթևակի դուրս ճկված շուրթով մեկ կճուճ: Նրա հատակի եզրերը և շուրթը զարդարված են խազման եղանակով արված հորիզոնական նախշերով (աղ. II, նկ. 9): Նման կճուճներ հայտնի են Ուզերլիկ-Թեփեի առաջին շերտից⁹ և թվագրվում են մ. թ. ա. II հազարամյակի սկզբով:

Առավել հետաքրքիր է կավանոթների զարդարումը կետերի և փայլեցման հնարքներով: Եթե վերը նշված երկու տեսակները շատ ընդհանուր են միջին բրոնզեդարյան մշակույթին, ապա կետազարդման և փայլեցման եղանակներով զարդարված ամանները առանձնանում են մինչև այժմ հայտնիներից: Սրանք կարծես ցուցադրում են միջին և ուշ բրոնզեդարյան խեցանոթների զարդանախշման հնարքների զարգացման եզրակցումը:

Խեցանոթների մի առանձին խումբ են կազմում բաց վարդագույն և դարչնագույն, ձգված իրանով սափորները, որոնք ունեն լավ մշակված և երբեմն էլ անհարթ մակերես (աղ. III, նկ. 1—4):

Կավանոթների այս խմբում կան խորանիստ եռանկյունաձև զարդանախշեր ունեցող նմուշներ (աղ. III, նկ. 2):

Վերը հիշատակված կավանոթները իրենց

ձևերով և զարդարման մոտիվներով տիպական են Հայաստանի և Անդրկովկասի մ. թ. ա. II հազարամյակի առաջին կեսով թվագրվող մշակույթին, որը ներկայացվում է Շիրակի; Արարատյան դաշտի, էլարի, Թրիալեթի և Ուզերլիկ-Թեփեի հուշարձաններում¹⁰:

Խեցանոթների մեկ այլ խումբ են կազմում բաց վարդագույն և դարչնագույն թասերը, որոնք ունեն կորնթարդ և ուղիղ կողեր (աղ. III, նկ. 6—9): Ուղիղ կողերով, հարթ հատակով, լայնացող բերանով թասերը հանդես են գալիս դեռևս մ. թ. ա. III հազարամյակի երկրորդ կեսում և, ինչպես ցույց են տալիս մեր նյութերը, հարատևում են մինչև մ. թ. ա. II հազարամյակի առաջին կեսը, մինչդեռ կորնթարդ կողերով թասերը հանդես են գալիս մ. թ. ա. II հազարամյակի առաջին կեսում: Այս թասերի տարածման շրջանակներն էլ նույնն են, ինչ վերը նշված սափորներին:

Խեցանոթների մյուս խումբը բաղկացած է գնդաձև իրանով, թեթևակի դուրս ճկված շուրթով թաս-քեղաններից (աղ. II, նկ. 12): Սրանց ուսերի վրա փայլեցման եղանակով արված են ալիքաձև և հորիզոնական նախշեր: Այս տիպի կավանոթները ավելի լավ են ցուցադրում միջին և ուշ բրոնզեդարյան խեցեղենի կապը: Հետաքրքիր է նկատել, որ Թազաքենդից, Հադիճից, էլարից, Գառնիից¹¹ հայտնաբերված նույնատիպ կավամանների վրա փայլեցման եղանակով արված զարդերը բացակայում են՝ կամ գունազարդ են կամ սև:

Վերը նշված թասերից բացի առավել ուշ ժամանակաշրջանով են թվագրվում սև կամ բաց դարչնագույն փայլուն մակերեսով, փքուն իրանով, հարթ կամ փոքրիկ պատվանդանաձև նստուկով թասերը, որոնք իրենց հորինվածքային ձևերով ավելի մոտենում են ուշ բրոնզեդարյան խեցեղենին (աղ. II, նկ. 10—11): Այդպիսիք հայտնի են Կիրովականից, Լճաշե-

յան, Կ. Ն. Մկրտչյան, է. Ս. Պարսամյան. Մեծամոր, Երևան, 1973, նկ. 22:

8 Т. С. Хачатрян, *նշվ. աշխ.*, նկ. 48—50, 54, 60—61 և հտ.: Ս. Ա. Եսայան, Երևանի պատմության թանգարանի հնագիտական իրերի կատալոգ 3-րդ, Երևան, 1972, աղ. I, նկ. 3—7: К. Х. Кушнарева, Новые данные о поселении Узерлик-Тепе около Агдама, Труды МИА, вып. 125, М.—Л., 1965, նկ. 21—24, 29:

9 К. Х. Кушнарева, *նշվ. աշխ.*, նկ. 12, 5—7:

10 Т. С. Хачатрян, *նշվ. աշխ.*, նկ. 72, Ս. Ա. Եսայան, Գ. Հ. Միքայելյան, Բրոնզեդարյան գունազարդ խեցեղենի նորահայտ նմուշներ, «Պատմա-բանասիրական հանդես», 1971, № 2, էջ 278: է. Վ. Խանդադյան, Գառնի 4-րդ, Երևան, 1969, նկ. 94—95: Э. М. Гогодзе, *նշվ. աշխ.*, աղ. 15, նկ. 24, աղ. 19, նկ. 10, 26: К. Х. Кушнарева, *նշվ. աշխ.*, նկ. 31:

11 А. А. Мартиросян, *նշվ. աշխ.*, նկ. 15—17: Т. С. Хачатрян, *նշվ. աշխ.*, նկ. 55, 62—63: է. Վ. Խանդադյան, *նշվ. աշխ.*, տախտակ I:

նից, Թրիալիթիից, Ուզերլիկ-Թեփից¹² և այլ հուշարձաններից, որոնք թվագրվում են միջին բրոնզի վերջին դարերով:

Հաջորդ խմբի կավանդները սև կամ դարչնագույն մակերեսով, երկթեք իրանով, կլոր կամ երկարավուն կանթով զավաթներ են (ադ. III, նկ. 12—13): Այսպիսի զավաթներ հայտնաբերվել են էլարից, Գառնիից¹³ և այլ վայրերից:

Նկնելով վերը ներկայացված դամբարանների

և նրանցից հայտնաբերված նյութերի համեմատական ուսումնասիրությունից, կարող ենք ասել, որ Շիրակի դաշտի և մասնավորապես Քեթիի միջին բրոնզեդարյան մշակույթը իր բնորոշ կողմերով սերտորեն կապվում է համահայաստանյան՝ մ. թ. ա. II հազարամյակի առաջին կեսով թվագրվող մշակույթի հետ և կազմում է նրա անբաժանելի մասը:

Լ. ՊԵՏՐՈՍՅԱՆ,

«ՊԱՏՄՈՒԹԻՒՆ ՀԱՄԱՍՓԻՒՌ ԾԱՂԿԻՆ»

Մաշտոցի անվան Մատենադարանի ինը ձեռագրերում պահպանվել է մի զրույց համասփյուռ ծաղկի մասին, որ վերնագրված է՝ «Պատմութիւն համասփիւռ ծաղկին», կամ «Վասն ծաղկին»: Այս զրույցում թվարկված են այդ ծաղկին վերագրված հրաշագործություններ: Զրույցի մեջ ասված է. «Թէ ի ականջդ հասուցանես՝ զվերնական ձայն և զբարբառ լսես և հասկանաս զամենայն լեզուս մարդկան և իմանաս զձայն անասնոց և գազանաց և թռչնոց. ապա թէ ի աշբտ հասուցանես, զամենայն արարածք առաջի աշացդ տեսանես. իսկ թէ ի քիմբտ հասուցանես, զհոտ անուշ լիկնից առնուս, ապա թէ ի լեզուդ հասուցանես, զամենայն լեզու զըրուցես և բարբառիս, զիմաստութիւն իմաստնոց և զվարդայետութիւն պատմես, ապա թէ ի մատունդդ հասուցանես՝ զամենայն արհեստ (կամ արուեստ) տեսնես... եւ բազում ինչ ասացին վասն ծաղկիս զօրաւոր հրաշս մեծամեծ»:

Այս վերջին արտահայտությունը մեզ թելադրեց այլ աղբյուրներում էլ հիշատակություններ որոնել համասփյուռի հրաշագործությունների մասին: Մյուս աղբյուրը Մխիթար Գոշի առակներն են: 26-րդ առակում պատմվում է, թե ինչպես բույսերը թագավոր են ընտրում. «Եւ եղև ոչ սակաւ հակառակութիւն, զի ոմանք

ասէին զշուշան լինել, և այլք զախրիզանն, և բազումք զհամասպրանն (նույնք՝ համասփյուռ—Ս. Ա.)² և ամենեցուն հաճոյ թուեցաւ լինել համասպրանն... զի ամենայն տիրիցէ աշխարհի. և մանաւանդ զի մեծամեծ ունելով զօրութիւն բժշկութեան՝ զհիւանդս բժշկիցէ և քաջատես առնիցէ, և ի վերայ ծովու գնալ տացէ, և իմաստութեամբ զտգէտս լցցէ»³: Այստեղ չեն կրկնվում նախորդ զրույցում թվարկված հրաշագործությունները, այլ նորանոր հատկություններ են ավելացվում:

XVII դարի բանաստեղծ Դավիթ Սալաձորցին իր «Գովասանք ծաղկանց» տաղում պատմում է հնագույն մի ավանդություն համասփյուռ ծաղկի մասին:

Արեալիկ օձն բազաւոր, ինքն սպիտակ
որպէս զծին,
Համասփիւրին կու հետեւիլ և զօրութիւն
կառնու հատոյն⁴:

Արեալիկ օձը՝ օձերի թագավորը, իր զորությունը վերցնում է ծաղիկների թագավորից: Իսկ արեալիկ օձի զորությունը նրա նախածրի մեջ է, որն այրում, սպանում է: Մի ավանդություն կա այն մասին, որ երբ Ալեքսանդր Մակեդոնացին պաշարել էր մի ասիական քաղաք, արեալիկ օձը պարսպի վրա գտնվող անցքից իր հայացքով 300 մարդ է սպանում Ալեքսանդրի զորքից⁵: Արեալիկ օձի ծնունդը կապվում է քաջահամլ կուշիի թռչունի հետ (քաջ, ոգի բառից, իբր հոմանիշ «արտավազդահամլ» բառի, որ ծագում է Արտավազդի անունից, իբր

¹² А. А. Мартиросян, նշվ. աշխ., նկ. 32, Հ. Հ. Մ և ց ա կ ա ն յ ա ն, նշվ. աշխ., ադ. III, նկ. 3—4, 6: Э. М. Гоголд-зе, նշվ. աշխ., ադ. XIX, նկ. 2: նկ. 31, 2—3-րդ շերտերի 2-րդ խումբ:

¹³ Է. Վ. Խ ա ն դ ա դ յ ա ն, Գառնի IV, նկ. 80:

¹ Մաշտոցի անվ. Մատենադարան, ձեռ. № 6488, 5747, 5616, 7993, 7100, 549, 8737, 10020, 7085: Տե՛ս նաև Ն. Մ ա ո, Ժողովածոյր առակաց վարդանայ, Բ, Ս. Պետերբուրգ, 1894, էջ 300:

² «Նոր բառգիրք հայկազան լեզուի», Վենետիկ, 1837, հատ. 1, էջ 21:

³ Մ խ ի թ ա ր Գ ո շ, Առակներ, Երևան, 1951, էջ 61:

⁴ Կ. Կ ո ս տ ա ն յ ա ն, Նոր ժողովածու, պրակ Բ, Թիֆլիս, 1892, էջ 75:

⁵ «Բազմավեպ», Վենետիկ, 1850, էջ 140: